



Inatsisartunut ilaasortaq
Karl Lyberth
Siumut

§ 36 naapertorlugu apeqqummut nr. 2010-200-mut akissut

15. oktober 2010
Sagsnr. 2010-039528
Dok. Nr. 481342

ATI-mi ingerlatat kattussuunneqarnerannut Narsamilu INULI-mut nuunneqarnerannut atatillugu ataani allassimasunik pingasunik apeqquteqarlutit 7. oktober 2010-mi allakkannut Naalakkersuisut qujapput:

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

1. **Aalisakkanik Tunisassiornermi Ilinniarfik ATI Maniitsumiittoq Narsamut nuunneqarpat ilinniarfimmi tassani aamma ingerlanneqartoq ATX qanoq pilersaarusiortfigineqarpa?**
2. **Maniitsumi efterskoleq aallartinniagaq qaqugu aallartissava, qassinik ilinniartoqassava, sumilu inissisimassava?**
3. **Maniitsumi GU-mik aallartitsiniarnermik pilersaarut sumut killippa?**

Apeqqutit ataasiakkaarlugit ataani akineqarput.

Apeqqummut 1-imut akissut:

ATX, fagini tuluttut, danskisut, matematik, fysik & kemi kiisalu oqaluttuarisaaneq inuiaqatigiilerinerlu, ilinniarnertuunngorniarfinni c-mik qaffasissusillittut atuartitsinermik neqeroorteqarfiusoq siullermik ATI-mi teknikeritut ilinniartitaanermet nerisassalerinertut pilersinneqarpoq taakkununga ilinnialernissamut akuerisaanissamut piumasaqaatit ilinniarnertuunngorniartutut qaffasissuseqalermata.

Taamaattorli ilinniartitaanermi misilittakkani paasinarsisimavoq inuusuttut ilinniartut ilinniakkaminnik teknikeritut ilinniartitaanermet isissutissatut atorpeq ajoraat ikittuinnaalluunniit atortarlugu. Ukiumi atuarfiusumi 2009/2010-mi ATX-ertutut nalunaarsimasut 41-sut 2010-mi juunimi arlaannaalluunniit ullumikkut teknikeritut ilinniarfimmiiingilaq. tabelimi ataniittumi ilinniartut 41-t taakku ukiumi atuarfiusumi matumani ilinniakkamik toqqaanerat takutinneqarpoq, ilinniagaqarnerisuteqartitsiviup ilinniagaqarnerisuteqartitsinermi systemia naapertorlugu.

| Ilinniarnertuunngor niarnissamut pikkorissaqqaarneq | Ilinniarnertuunngor niarneq | Inuussutissarsiutin ut ilinniartitaaneq | Ilinniagaqanngitsut |
|---|-----------------------------|---|---------------------|
| 1 | 12 | 7 | 21 |

Aammattaaq ilisimatitsissutigineqassaaq ilinniartunit 41-sunit 61 %-it imaluunniit 25-t Maniitsumeersuummata kiisalu ilinniagaqarnerisuteqartitsinermi systemimi atuarnerup 2009-mi aallartinnerani 60-t nalunaarsorneqarsimmata.

Qulaani allassimasut tunuliaqutaralugit Naalakkersuisut naliliipput ilinniartitaaneq atuarfimmi atuarnermik sivitsukkatut ingerlasoq, efterskolenit Piareersarfinnilu AEU-mik neqeroorutinit ilisimasatsitut, taamaattumik Naalakkersuisut aalajangiipput ilinniartitaaneq nuullugu atorunnaarsinneqassasoq inuusuttullu siunissami efterskolernissamut AEU-rnissamulluunniit innersuunneqartassasut imaluunniit atuarfimit toqqaannartumik inuusuttut ilinniarfianni aallartinnissamut siunnersorneqartassallutik.

Apeqqummut 2-mut akissut

Naalakkersuisut 2011-mut Aningaasanut Inatsisissatut Siunnersuutip aappasaaneerเนqarnerani Maniitsumi efterskolimik ataavartumik pilersitsinissaq pillugu allannguutissatut siunnersuuteqarniarput. Efterskole katillugit 60-inik atuartoqartussatut naatsorsuutigineqarpoq. Efterskole ATI-p maanna inini atuartitsivigisaanut ilinniartullu ineqarfiutaanut inissinneqassaaq.

Apeqqummut 3-mut akissut

Maniitsumi ilinniarnertuunngorniarfimmi atuartitsisalnissamut periarfissat Naalakkersuisut 2010-mi aasaanerani Maniitsumut tikeraarnermut atatillugu misissorpaat. Misissuinerni paasinarsivoq ATI-p ingerlatai INULI-mut nuunneqarpata Maniitsumi efterskolemik pilersitsisoqarsinnaassasoq. Misissuinerni aamma paasinarsivoq Maniitsumi ilinniarnertuunngorniarfimmi nalinginnaasumik ukiunik pingasunik sivilissusilimmik atuartitsisalnissaq ajornakusuussasoq, tassami tamatumunnga ininik naleqquttunik naammattunik amigateqartoqarmat. Ilinniarnertuunngorniarfinni ilinniarfissanik siunissami pisariaqartitsinermik qulaajaanermut atatillugu Maniitsumi ukiumi ataatsimi ilinniarnertuunngorniarnermik inissiisinnaaneq Naalakkersuisut isumaliutaannut ilaassaaq.

Inussiarnersumik inuulluaqqusillunga

Mimi Karlsen